

საგაზეთო

საგაზეთო
საგაზეთო

საგაზეთო გაზეთი

შაბათი 19 ივნისი 2004 №139 (2158)

ფასი 50 თეთრი

1 იტალია 1 1 შვედეთი 1



ტარატი-ბოლი იბრაჰიმოვიჩისგან


ფლანგან

საუკუნო რეკორდი

აი, ამ სამ კუბრით შვ ზანთვან ერთი იწებ ქართველი გახდეს. გვარის გამოცვლას და ენის სწავლასაც არავინ მოსთხოვს, საქმიანების ქართული პასპორტით კმარა. საქართველოს კალათბურთის ფედერაცია ეროვნული ნაკრებისთვის გამთავსებულს ნბა-ში ექვს და სელექცია ვლადიმერ სტეფანიათვის დაუვალდება. ვოვამც შეარჩია სამი რიგიანი ჯგუფი და შორეული ჯორჯიის სახელით თამაშაც შესთავაზა. ამ სამიდან ორი "დეტროიტში" სულ ორიოდ დღის წინ გაემბიონებული მაიკ ჯეიმსი და შემოდ უილიამსი თითქმის თანახმა არიან, მესამე, ვოვას ყოფილმა თანაგუნდელმა ედი პაუსმა კი ჯერ შორს დაიჭირა.



ჯეიმსი



ედი პაუსი



უილიამსი

ფედერაციის მუშაობა გარეშე



ჯოვანი ტრაპატონი
ჩემი აზრით, სანამ იბრაჰიმოვიჩი გაიტანდა, დამბროტას უხეშენ და მსაჯს ჯარიმა უნდა დაენიშნა.

იტალია 1 **18 ივნისი** **შვედეთი 1**
 C ჯგუფი. II ტური
 პორტუ. დრეზა

1 გუგონი

| | |
|-----------|-------------|
| 13 ნესტა | 5 კანავარო |
| 2 პანუსი | 19 კამბროტა |
| 21 პირლო | |
| 8 გატუზო | 20 პეროტა |
| 18 კასანო | |
| 9 ვიერი | 7 დელ პიერი |

მწვრთნელი: ჯოვანი ტრაპატონი

შეცვლა
 კასანო — 14 ფიორე (70), გატუზო — 15 ფავალი (76), დელ პიერი — 16 კამორანეზი (82)

1 ისაკონი

| | |
|-----------------|--------------|
| 3 მელბარგი | 15 ნაკობსონი |
| 7 ნილსონი | 5 ელმანი |
| | 6 ლინდეროტი |
| 21 ვილკელსონი | 9 ლინდეროტი |
| 8 ა. სვენსონი | |
| 10 იბრაჰიმოვიჩი | 11 ლარსონი |

მწვრთნელი: ბობი სოლბაკერი და ლარს ლაგერბეკი


შეცვლა
 სვენსონი — 16 კალსტრომი (55), ვილკელსონი — 18 იონსონი (67), ელმანი — 20 ოლბოკი (77)

გაფრთხილება: გატუზო (39), კანავარო (46), ელმანი (54), დამბროტა (58), ლინდეროტი (75)
მსაჯი: ურს მაიერი (შვეიცარია). 44 926 მაყურებელი

ჯარიმა: 16-22; კუთხური: 10-5; კარისკენ დარტყმა: 11-4; კარში დარტყმა: 9-4; თამაშგარე: 6-1



კრისტიან ვიერი



თუ ვინმე იტალიისა და შვედეთის ნაკრებთა შეხვედრაში ფრანჩესკო ტოტის, მის აურას, აჩრდილს, გავლენას ან რაიმე ასეთს ეძებდა, ამოდ დაშვრალა. დისკვალიფიცირებული ვარსკვლავი პირმშვენიერ სატრფოსთან, ილარი ბლასისთან ერთად ტრიბუნაზე იჯდა, თუმცა უფრო სრულყოფილად წარმოდგენილი გახლდათ ინტერნეტში, ასეთ მისამართზე: www.giava.com/sputot/. იქ ნახატი ფრანჩესკო თქვენს ხელთაა, ეკრანზე დანილები დარბიან, თქვენ კი მიზანში უნდა გადაფურთხებინოთ. თუ გაართყამთ, ნახატი-ტოტი თქვენსკენ მოტრიალდება და იხეიბებს. თერთმეტი სწორი მიფურთხების შემდეგ ვარსკვლავი პირმშვენიერ ილარის ხელს გადახვევს.

ტრაპატონი? სადაა პატრონი!

რთვა თავი: ჯენარო გატუზო, ანდრეა პირლო და სიმონე პეროტა, აქეთ-იქიდან შევსებული აწეული მცველებით, ჯანლუკა დამბროტათი და კრისტიან პანუსით ძალიან დიდი სიმძლავრის შუა ხაზი გამოდგა.

თუ თამაშის წინა დღეებში მეტოქეთა ბანაკებიდან გამოსული ცნობები და მოსაზრებები გახსოვთ, ისიც გეხსოვებათ, რომ ჯანლუკა დამბროტამ იტალიელთა წარმატების ერთ-ერთ აუცილებელ პირობად შევსებულ სწრაფად სირბილი

დასახა და შედეგად თამაში მთელი 90 თუ 96 წუთის განმავლობაში ელვისებური გამოდგა, მაგრამ... მაგრამ აქამდე დაწერილიდან ისე გამოდის, რომ „სკუადრა აძურამ“ მოიგო, მაშინ, როდესაც შევსებმა თავის წილი სრულიად დამსახურებული ფრე მოიპოვეს.

წინა შეხვედრასთან შედარებით სკანდინავიელებს არ ჰყავდათ ტედი ლუკინი, რომელმაც იმ დღეს ნეკნი დაიზიანა და ამიტომ მისი ადგილი ნახევარმცველმა მიკაელ ნილსონმა დაიკავა, ხოლო მოედნის

შუაში ლინდეროტი დადგა. საბოლოოდ მატჩი ძალიან სასერიო გამოდგა და იგი ორმა საინტერესო გოლმა დაამშვენა. პირველად, პირველ ტაიმში, 37-ე წუთზე იტალიელებმა გაიტანეს. ეს ასე მოხდა: მარჯვენა ფრთიდან პანუსიმ ჩაჰკიდა შევსების საჯარიმოში, სადაც „რომას“ თავდამსხმელმა, ანტონიო კასანომ თავი წაჰკრა ბურთს, მიმართულბა შეუცვალა და ბაღში შეაგდო. სკანდინავიელებმა კი 85-ე წუთზე გაათანაბრეს. უნდა აღინიშნოს, რომ ამ დროისთვის ინციტატივა და ბურთი უკვე მთლიანად შვედებს ჰქონდათ, ხოლო იტალიელთა მწვრთნელმა, ჯოვანი ტრაპატონიმ მოედნიდან კასანო და ალესანდრო დელ პიერი გაიყენა, მათ ადგილას სტეფანო ფიორე და მაურო კამორანეზი გამოიყენა — რაც აქცენტის დაცვაზე გადატანას ნიშნავდა და შეიძლება შეცდომა იყო.



ილარი ბლასით თავმომწონე მოფურთხალმა ფრანჩესკო ტოტიმ ანტონიო კასანოსა და ზლატან იბრაჰიმოვიჩის გოლებს ტრიბუნიდან უცქირა

ასე და ამგვარად, 85-ე წუთზე შევსების წამოწყებული მორიგი სწრაფი და ემოციური შეტევა იმით დამთავრდა, რომ კუთხურიდან ჩა-

წოდებული ბურთი ახტა-დახტა და ზლატან იბრაჰიმოვიჩის მოხერხებული ჰაერ-ქუსლურით ჯანლუკა ვილკელსონის კარში შევარდა.

შესაცოლი იყო იტალია? რასაკვირველია, „სკუადრა აძურა“ ჩინებული გახლდათ მთელი შეხვედრის განმავლობაში, მაგრამ იმავდროულად გავიმეორებთ იმას, რაც ზემოთ ვთქვი: შვედეთმა დამსახურებულად გაათანაბრა.

ჯოვანი ტრაპატონი: „ყველაფერი ვიღონეთ მოსაგებად, ბევრი საგოლე მომენტიც შევქმენით, მაგრამ შვედთა მეკარემ ბრწყინვალედ ითამაშა. მეორე ტაიმში დალდა დაგვეტყო, მათ კი ფლანგებზე იაქტიურეს. ჩემი აზრით, სანამ იბრაჰიმოვიჩი გაიტანდა, დამბროტას უხეშენ და მსაჯს ჯარიმა უნდა დაენიშნა. ბულგარეთთან ასე თუ ვითამაშებთ, ალბათ მოვიგებთ, თუმცა დარწმუნებული ვარ, ურთულესი მატჩი გველის. რაც შეეხება კასანოს, მან ლამაზი გოლი შეაგდო და ერთს კიდევ იმსახურებდა“.

| | | | | | | |
|-----------|---|---|---|---|-----|---|
| შვედეთი | 2 | 1 | 1 | 0 | 6:1 | 4 |
| დანია | 2 | 1 | 1 | 0 | 2:0 | 4 |
| იტალია | 2 | 0 | 2 | 0 | 1:1 | 2 |
| ბულგარეთი | 2 | 0 | 0 | 2 | 0:7 | 0 |

III ტური: 22 ივნისი
იტალია — ბულგარეთი
დანია — შვედეთი




ბულგარეთი

18 ივნისი

დანია



საფეხბურთო ფედერაცია



0:1 ტომასონი (44), 0:2 ბრონიაიარი (90)

1 ზღარავაძე

| | |
|---------------|---------------|
| 3 კირილოვი | 22 სტოიანოვი |
| 2 ვ. ივანოვი | 4 ი. პეტკოვი |
| 19 ს. პეტროვი | 15 ხრისტოვი |
| 13 პაევი | 17 მ. პეტროვი |
| 21 იანკოვიჩი | 9 ბარბატოვი |

1 სორანსანი

| | |
|-------------|---------------|
| 4 ლაუსენი | 3 პანრიკსანი |
| 6 კაღვიანი | 5 ნ. იენსენი |
| 7 ბრანდსენი | 15 ლ. იენსენი |
| 19 რომადალი | 9 ტომასონი |
| | 10 იორგანსანი |
| | 11 სანდი |

მწვრთნელი: პლაჰენ მარკოვი

მწვრთნელი: მორტენ ოლსენი

შეცვლა

ი. პეტკოვი — 5 ზაგორჩიჩი (40), ივანოვი — 11 ლაზაროვი (51), იანკოვიჩი — 8 მ. პეტკოვი (81)

შეცვლა

რომედალი — 8 გრონკიერი (23), იორგენსენი — 14 კ. იენსენი (72)


ბაზრისილია: კირილოვი (4), ნ. იენსენი (10), სტოიანოვი (50), სანდი (58), ს. პეტროვი (77), ზაგორჩიჩი (80), ხრისტოვი (82), ს. პეტროვი (82), მ. პეტროვი (84). ბაძმევა: ს. პეტროვი (82) მსაჯნი: ლუსილიუ კორტეს ბატისტა (პორტუგალია). 24 131 მაყურებელი

ჯარიმა: 19-18; კუთხური: 1-8; კარისკენ დარტყმა: 5-5; კარში დარტყმა: 1-12; თამაშგარე: 0-3



პლაჰენ მარკოვი

ჩემი ფეხბურთელები ცუდად მოიქცნენ. წაგებაც ღირსეულად უნდა შეგვეძლოს. პროფესიონალ მოთამაშეებს მსგავსი საქციელი არ ეკადრებათ.



მორტენ ოლსენი


ბულგარელები ამჯერად უკეთ გამოიყურებოდნენ, ვიდრე შვედებთან, მაგრამ ჩვენ ძალიან უარგად ვითამაშეთ დაცვაში და მათი შეცდომებით ვისარგებლეთ



ბუნებრივი პეიზაჟი: სლავები სასლუი



REUTERS ბრაგადან



ბულგარეთისთვის წუხელ ვეროპის ჩემპიონატი დასრულდა. პლაჰენ მარკოვის გუნდში ბუნტი ჯერ კიდევ პორტუგალიაში გამგზავრებამდე ატყდა. ფეხბურთელები ჰონორარის მომატებას ითხოვდნენ. ეს ამბავი საბოლოოდ ჩაცხრა, მაგრამ შედეგით მარცხმა ახალი კონფლიქტი გამოიწვია.

მოთამაშეებმა, კაპიტან სტილიან პეტროვის თამაშობით, სერბული წარმოშობის მცველ პრედრაგ პაუინის მოკვეთა ითხოვეს. მარკოვმა პაუინი გუნდში ძირითად შემადგენლობაში არ ათამაშა, მაგრამ ამით არაფერი შეცვლილა. დაცვის ცენტრი ისეთივე უსუსური იყო, როგორც შედეგებთან. აწეწილ ნაკრებს წარმატების შანსი არ ჰქონდა და ორი წაგებაც სავსებით ლოგიკურია.

პირველი ტაიმი „ვიკინგთა“ წყალობით საინტერესო იყო, ხოლო მეორეში, ფეხბურთის ნახვას კარსუკან აწოწილი კლდისა და მთის ყურება სჯობდა.

დანიელებს ნაღდად ძლიერი ფლანგელები ჰყავთ, ბულგარულ მცველებს თავბრუ დაახვიეს. მარკოვის შეგირდები მეტოქის იერიშებს ქაოსურად, მაგრამ იგერიებდნენ. იესპერ გრონკიერის შესვლამდე მარტინ იორგენსენი გამოირჩეოდა. მისი დარტყმული ზდრაგოვმა მოი-

გერია, მოგვიანებით კი იორგენსენს მცველმა ბოლოწამს აჯობა. გრონკიერმა დაშავებული დენის რომედალი შეცვალა და მის პირველივე პასს კინაღამ გოლი მოჰყვა. გრავესენის დარტყმული მცველს მოხვდა, გადმოვარდნილ ბურთს ლაურსენმა დაჰკრა და ოდნავ ააცილა. ტომას გრავესენს იტალიასთან მატჩში არ უთამაშია და მისი და-

ბრუნება ვიკინგთა შეტევებს აშკარად დაეტყო. „ვეერთონის“ ლეგიონერმა მოხდენილი პასით იონ დალ ტომასონი ზდრაგოვს პირისპირ შეატოვა. ფორვარდი მეკარეს გასცდა, მაგრამ მახვილი კუთხიდან ცარიელ კარში ბურთი ვერ შეაგდო. ბულგარელებს ერთი ნაღდი მომენტი ჰქონდათ. ბერბატოვმა მეტოქის საჯარიმოში მარტინ პეტროვს

ქუსლით დაუბრუნა ბურთი, მაგრამ პეტროვმა უხეიროდ დაარტყა. „ვიკინგები“ ტაიმის ბოლო წუთზე დაწინაურდნენ. ბურთი იორგენსენმა მიიღო, ეულად მყოფ დალ ტომასონს მიუგორა და „მილანის“ ფორვარდმა იოლადა გაიტანა. შესვენების შემდეგ დანიელები დაცვაში ჩასხდნენ, ბულგარელები კი საცოდავად გამოიყურებოდნენ.



იონ დალ ტომასონმა ზდრაგოვ ზდრაგოვს შანსი არ დაუტოვა





ალექსანდრს სტარკოვს მარის ვერპაკოვსის ეიმედება



ალექსანდრ კოლინკო

ბერმანის ნაკრების მცველმა იენს ნოვოტნიმ მუხლის ტკივილის გამო გუშინ დილის ვარჯიშში გამოტოვა. „საშიში არაფერია — თქვა მწვრთნელმა — მას დასვენება სჭირდება და ვიმედოვნებ, სალატვიოდ მზად იქნება“. დაღლილობას უწიოდა არნე ფრიდრიხიც და მასაც არ უვარჯიშია. სხვა მხრივ, გუნდში ყველაფერი რიგზეა.

რუდი ფიოლერი, ცხადია, გამარჯვებაზე ფიქრობს: „შემტევე ფეხბურთის ვითამაშებთ და მთელი მატჩის განმავლობაში ვითარება უნდა ვაკონტროლოთ“.

საეარაულოდ, ნახევარმცველი ფრანკ ბაუმანი ძირითად შემადგენლობაში არ იქნება. მის ნაცვლად მწვრთნელი ფრედი ბობიჩს გაამ-

Ⓢ ჯგუფი. II ტური. დღეს

ჰორვატ. ბასა. 21.00

ლატვია — ბერმანია

სავაჩუემო შემადგენლობები

კოლინკო; ისაკოვსი, სტეპანოვსი, ზემლინსკისი, ბლაგონადეფინსი; ბლეიდელისი, პახარსი, ასტაფიევისი, რუბინსი; პროხოროენკოვსი, ვერპაკოვსკისი

კანი; ფრიდრიხი, ვიორნსი, ნოვოტნი, ლამი; შნაიდერი, ჰამანი, ბალაკი, ფრინგსი; კურანი, ბობიჩი

მსაჯი: მაიხლ რაილი (ივზლინი)

უხედეით ბალაკს! კოლინკოს უჭულობა არ უნდა


წესებს და იგი შეტევაში კვეთს კურანის შეუწყვიდელება, რადგან გერმანიას გოლები და მოგება სჭირდება. პოლანდიასთან შეხვედრაშიც ჩანდა, რომ ეულ კურანის მცველებთან გამკლავება უჭირდა.

„ვიცი, რომ გულშემატევიერებს ჩვენი სჯერათ, მაგრამ ჯერჯერობით ყველაზე რთული წინ გველი. ლატვია აქ შემთხვევით ხომ არ ჩამოსულა. ფავორიტები ვართ, სამი ქულა გვჭირდება, თუმცა 1:0-ს მოვიგებთ თუ 4:0-ს, ჩემთვის სულერთია. მთავარი სხვაობა კი არა, გამარჯვებაა“ — განაცხადა ფიოლერი.

გერმანელთა მწვრთნელის თქმით,

იგი შევირდებს ფსიქოლოგიურად ამზადებს: „ფეხბურთელებმა საკუთარი ძალა უნდა ირწმუნონ. ეს ძალიან მნიშვნელოვანია დიდი ტურნირის მოსაგებად. შეხედეთ მიხაელ ბალაკს — მას მთელი სეზონის განმავლობაში აკრიტიკებდნენ, მაგრამ ხომ ყველამ ნახა, რომ იგი ნაკრებისთვის შეუცვლელია. „ბაიერნის“ ბოსები ბალაკის გაშვებას აპირებდნენ, ახლა კი ალბათ დატოვებენ“.

რაც შეეხება ლატვიას, დასაკარგი არაფერი აქვს. ბალტიისპირელებმა ჩეხები გააწვალეს და არც გერმანიას შეუშინდებიან. ალექსანდრს სტარკოვსი ნაცად ტაქ-



რუდი ფიოლერი

ტიკას არ უღალატებს. ათი კაცი დაცვაში და წინ მარის ვერპაკოვსკისი. შესაძლოა, ძირითად შემადგენლობაში მარიანს პახარსი გამოიწინდეს, რომელმაც პირველ ტურში შეცვლაზე ითამაშა. მწვრთნელს მისი ძალიან ეიმედება.

ლატვიელთა მეკარე ალექსანდრ კოლინკოს გუშინ 29 წელი შეუსრულდა. დღევანდელი მატჩი კი მისთვის 50-ე სანაკრებო იქნება, „ძალიან მსურს, რომ გერმანიას თუ ვერა, პოლანდიელებს მაინც ერთი ქულა ავწაპნოთ, რათა შინ მთლად ხელცარიელი არ დავბრუნდეთ“ — თქვა ორმაგად იუბილარმა.

მატა ზუციოზილი

Ⓢ ჯგუფი. II ტური. დღეს

ავაირო. მუნისიპალი. 23.45

ჰოლანდია — ჩეხეთი

სავაჩუემო შემადგენლობები

ვან დერ სარი; ჰეიტინგა, ბუმა, სტამი, ვან ბრონკჰორსტი; სნეიდერი, დავიდსი, კოკუ; ვან დერ მეიდე, ვან დერ ვარტი; ვან ნისტელროი

ჩეხი; გრიგერა, უიფალუში, ბოლფი, იანკულოვსკი; პობორსკი, გალაშეკი, როსიცკი, ნედვედი; ბაროში; კოლერი

მსაჯი: მანუალ ანრიკა მისაბო გონსალესი (ესპანეთი)

ამ მატჩში გამარჯვებული, მოდით პირდაპირ ვთქვათ — მეოთხედფინალშია. თუ ჩეხებმა მოიგეს, მეორე ადგილი გარანტირებული აქვთ. თუ პოლანდიამ მოიგო, მართალია, განადღებული არაფერი ექნება, მაგრამ რაკი ბოლო ტურში

ლატვიას ხვდება და რა უნდა მოხდეს, რომ ვერ მოუგოს, ისიც გასულად შეგვიძლია მოვისხენიოთ. ერთი სიტყვით, დიდი ბრძოლა იქნება.

დიდ ბრძოლას დიდი ფეხბურთელები სჭირდება. ასეთები ორი-



პაველ ნედვედი სიცხეს და თავის ტკივილს შეეუწუება

მუხია!

ვე გუნდს ჰყავს. პოლანდიელთაგან უპირველესად გამოვარჩიოთ გერმანელთათვის დიდებული გოლის გამტანი რუდ ვან ნისტელროი, ჩეხთაგან კი პირდაპირი გაგებით დიდი კაცი, უახმახესი იან კოლერი. სხვათა შორის, ჩეხ გიგანტს ლატვიასთან ძლივს მოგებულ მატჩში მთელი ზუთი კილოგრამი დაუკლია და ეს დღეები ჰამად ქცეულა ენერჯის აღსადგენად.

ჩეხები კოლერის სამეოფ საჭმელს როგორმე იშოვიან, უფრო ძნელად მოსაგვარებელი სხვა პრობლემებია. თუნდაც მცველების, ზდენეკ გრიგერას და რენე ბოლფის ტრავმები. თუმცა იმასაც ამბობენ, ორივენი საპოლანდიოდ მომზობინდებიანო.

იმასაც ამბობენ, პორტუგალიაში გაუსაძლისად ცხელაო. ალბათ ასეცაა, რაკი ზვატისგან პაველ ნედვედს და ტომას როსიცკის თავის ტკივილი დასჩემებიათ, არადა, ესენი რაოდენ მნიშვნელოვანი ფეხბურთელები არიან ნაკრებისთვის, მტკიცებას არ შეეუდგებიან.

პოლანდიელთა ბანაკშიც შევიხედოთ. იქ დავინახავთ, რომ ბუდევიჩ ზენდენი, რომელიც დიკ ადვოკატმა გერმანიასთან პირველი ტაიმის მერე შეცვალა, ამჯერად სასტარტო შემადგენლობაში აღარ არის. მის მაგივრად ყმაწვილი უესლი სნეიდერი ითამაშებს, რომელმაც ზენდენი წინა მატჩში მეორე ტაიმში შეცვალა და მწვრთნელს თავი მოაწონა.

მეორე ფეხბურთელი, რომელმაც გერმანიასთან მატჩი ჩაავლო, გეზსომებათ, ედგარ დავიდსია. მაგრამ ადვოკატი, ზენდენისგან განსხვავებით მას ისევ ენდობა და კვლავ სასტარტოში ეყოლება.

ალბათ ისევ არ ითამაშებს კლარენს ზედორფი, თუმცა ის ვა-

იან ჯოლერის ჯუჯს ჰოლანდია თუ ამოავსებს



რომ მიუშვია, იან კოლერი კარელ ბრუენერსაც შეჭამს

რჯიშს უკვე შეუდგა და ბოლო მატჩისთვის ალბათ ბოლომდე მომჯობინდება.

ბოლოს დავძინოთ, რომ პოლანდია შეტევაში ისევ ერთი თავდამსხმელი ითამაშებს, ჩეხეთი კი ორი ფორვარდით შეუტევეს.

კობე კეკელია

| | | | | | | |
|----------|---|---|---|---|-----|---|
| ჩეხეთი | 1 | 1 | 0 | 0 | 2:1 | 3 |
| გერმანია | 1 | 0 | 1 | 0 | 1:1 | 1 |
| ჰოლანდია | 1 | 0 | 1 | 0 | 1:1 | 1 |
| ლატვია | 1 | 0 | 0 | 1 | 1:2 | 0 |

III ტური: 23 ივნისი
 ჰოლანდია — ლატვია
 გერმანია — ჩეხეთი





გატყდა ტოტი?

იტალიელები ფრანკესკო ტოტის სამმატრიანი დისკვალიფიკაციის გამო აპელაციას არ შეიტანენ, ასეთი ცნობა გაავრცელა სააგენტო ANSA-მ. შეგახსენებთ: C ჯგუფის პირველ შეხვედრაში ტოტიმ დანიელ მეტოქეს, კრისტიან პოულსენს შეაფურთხა.

ტოტის საკციელის გამო უეფაში დანიის ფეხბურთის ფედერაციამ იჩივლა და წარადგინა ვიდეოსაბუთი იმისა, რაც მოხდა. ფეხბურთელის ვეკილი თავიდან კმაყოფილი ჩანდა იმით, რომ განაჩენი გასაჩივრების უფლებას სტოვებდა, მაგრამ შემდეგ გაავრცელდა ANSA-ს ცნობა, „რომას“ კაპიტნის ბანაკი კონტრზომებს არ მიმართავს.

იტალიის ფეხბურთის ფედერაცია კი კომენტარისგან ამ ეტაპზე თავს იკავებს.

ბაპუნა კელია

თვრამეტი წლის ინგლისელი ფორვარდის, უენ რუნის მიერ შევიცარიელთა კარში გატანილი ორი გოლიდან უეფამ, შესაძლოა, ერთი მეკარე იორგ შტილს ავტოგოლად ანუ საკუთარ კარში ბურთის შეგდებად ჩაუთვალოს.

ამ თემას პრესკონფერენციაზე უეფას კომუნიკაციების დირექტორი უილიამ გაილარდი შეეხო. მან თქვა, რომ უეფას ტექნიკური კომისია კარგად შეისწავლის მომენტის ვიდეორჩანაწერს და გადაწყვეტილებასაც შესაბამისს მიიღებს.


შეგახსენებთ, რაც მოხდა: 75-ე წუთზე რუნის დარტყმული ჯერ ძელს მოხვდა, შემდეგ გაწოლილ თავში და იქიდან შევარდა კარში. საინტერესოა, რომ ევროპის ჩემპიონატების ისტორიაში რუნი შეიქნა ყველაზე ახალგაზრდა მეგოლედი.

„ლონივრად დავარტყი და გამომართლა, ბურთი კარში რომ შევარდა — თქვა თამაშის შემდეგ ფორვარდმა და დასძინა — ცხადია, პრეტენზია მაქვს, რომ გოლი მე გავიტანე“.

ბაპუნა კელია

გოლი მეკარემა გაიტანაო

რუნის მეორეს ბილს უთვლიან



ც ი ც!



რუსმა შოუმენმა ოთარ ქუშანაშვილმა თავისი საქმე გააკეთა — გიჟობით მიიპყრო ყურადღება. ვისაც ამ ადამიანის საქმიანობის შესახებ რამე სმენია, დაგვეთანხმება, რომ ნიადაგ ამას აკეთებს და რალა პორტუგალიაში მოიქცეოდა სხვანაირად. შეგახსენებთ: პორტუგალიისა და რუსეთის შეხვედრაში, როდესაც მსაჯმა რუს მეკარეს, სერგეი ოვჩინიკოვს ნითელი ბარათი აუწია, ქუშანაშვილი ტრიბუნიდან ჩახტა, უსაფრთხოების დამცველ სკაუტთა რაზმს დაუსხლტა და, როგორც სააგენტო „როიტერი“ იტყობინება, კარგა 50 მეტრიც ირბინა მოედნისკენ. საბოლოოდ იგი პოლიციელებმა დააკავეს.

სასამართლომ ქუშანაშვილს თავიდან 90-დღიანი ჯარიმით დაუპირა დასჯა (ოლონდ დღეში რა თანხას უსჯიდნენ ცნობილი არ იყო), მაგრამ შემდეგ გაფრთხილებით შემოიფარგლა და გაუშვა.

ბაპუნა კელია

ფაბიენ გულთმისანი სანტინი ყოველ სანტიმეტრს გაზომავს

ხორვატებთან ნათამაშებმა ფრემ საფრანგეთის ნაკრების მეკარეს, ინგლისელებთან შეხვედრის გმირს, ფაბიენ ბარტეზს ეჭვი გაუჩინა, რომ სასწაული მართლა არსებობს

„ყველაფერი ძალიან კარგად დაიწყო, მაგრამ პირველივე წუთიდან არ მტოვებდა შეგრძნება, რომ რაღაც შეიცვლებოდა. ვიცი, რომ ხორვატები სწრაფები არიან, თამაში კი მეტად ღუნედ მიდიოდა და ეს მიკვირდა. ამ მატჩში ქულა რომ მოვიპოვეთ, ნამდვილი სასწაული იყო“ — განაცხადა პირველ ტურში დევიდ ბექჰემის პენალტის მომგერიებელმა.

შეგახსენებთ, რომ საფრანგეთისა და ხორვატიის ნაკრებთა შეხვედრის პირველ ტაიმში ზინედინ ზიდანის ჩაწოდებული ჯარიმა ხორვატმა მკველმა ივორ ტულორმა შემთხვევით საკუთარ კარში ჩაჭრა და ევროპის ჩემპიონები დაწინაურდნენ, მაგრამ შესვენების შემდეგ თამაშის სურათი შეიცვალა — ტემპმა ხორვატთა დაუჩინებელი საგრძობლად იმატა და ჯერ მილან რაბაჩინა პენალტით, ხოლო შემდეგ დალო პრისომ ორი გო-

ლი გაუტანეს ფრანგებს. ბოლოს დავიდ ტრეზეგემ გაათანაბრა.

„ვამბობდი, რომ ინგლისის წინააღმდეგ თავს გადახდენილი უნდა დავგვეჩვენებინა და მიუღი ყურადღება ხორვატიაზე გადავებუნა. ახლა დღევანდელი ამბის კარგა ხნით დამახსოვრება მოგვიწევს, თუმცა მაინც იმდენად სოლიდური გუნდი გვაყავს, რომ ზედმეტად შემოფოთებულიც კი ვარ“ — დააკვირვინა ბარტეზმა.

ფრანგთა მენტორმა ფაკ სანტინიმ კი აღიარა, რომ მის ბიჭებს სძინავთ და გაღვიძება სჭირდებათ.


„იმედი მაქვს, ხორვატიასთან ნათამაშები ფრემ გამოგვაფხიზლებს — თქვა სანტინიმ — ანგარიშის გახსნის შემდეგ, როგორც ჩანს, ყველაფერი მეტისმეტად იოლი მოგვეჩვენა. არა მგონია, მეტოქე მოგვეჩვენებოდა სუსტ გუნდად, უბრალოდ, საკუთარ პრინციპებს ვუღალატეთ, განსა-

კუთრებით დაცვაში. როდესაც მოწინააღმდეგეს საუკეთესო თვისებების გამოვლენის საშუალებას აძლევ, არ უნდა გავიკვირდეს, პრობლემები რომ შეგვექმნება. სწორედ ამ შეცდომას ვუშვებდით მთელი საღამოს განმავლობაში“.

საინტერესოა, რომ ფრანგთა მწვრთნელს კონკრეტული დამნაშავეების დასახელება სთხოვეს, მაგრამ მან თავი შეიკავა, განაცხადა, რომ ფეხბურთელებთან საგანგებოდ აპირებდა განვლილი მატჩის დეტალურად განხილვას.

„ვარდა იმისა, რომ ორი ქულა დავკარგეთ, დღეს მეოთხედფინალში აღრიანი ვასვლაც გაუშვით ხელიდან და ჩემთვის მთავარი იმედგაცრუება სწორედ ეს არის — დასძინა სანტინიმ — ახლა ყველაფერი იმაზეა დამოკიდებული, კარგად ვითამაშებთ შვეიცარიასთან თუ ცუდად. კვლავ ადრეა ამ დასკვნის გაკეთება, მაგრამ ვფიქრობ, ინგლისის დამარცხების შემდეგ ცოტა მოვემეოთ“.

ბაპუნა კელია





ბრიტანელები, რომელთაც პორტუგალიაში ხულიგნობა ბრალდებათ, სამშობლოში წარდგენენ სასამართლოს წინაშე. ეს ხალხი პოლიციელებთან ჩხუბის გამო დაიჭირეს და როგორც უცხოეთში გამძრომ-გამომძრომი ქართველები ამბობენ, გამოადებორტეს. სულ გამოდებორტებულ ინგლისელთა რიცხვია 33. ისინი ერთი წლის განმავლობაში ველარ ჩავლენ სამხრეთ ევროპის ამ ქვეყანაში, სადაც ალბათ, ისედაც არ აპირებდნენ ჩასვლას



ვფიქრობთ, იცით, რომ უფასო მკაცრად ჰყავს ინგლისის ფეხბურთის ასოციაცია გაფრთხილებული. თუ მათი ნგრევა-მტვრევით ცნობილი ფანები ევრო 2004-ზეც ცუდად გამოავლენენ თავს, უფა მიადგება და პირდაპირ ნაკრებს გაუგდებს შეჯიბრებიდან.

საგანგებოდ უნდა ითქვას მკაცრ ხულიგან გერი ნორმან მენზე, რომელსაც ორწლიანი პატიმრობა მიუსაჯეს. ის არ მხოლოდ მტვრევა-ნგრევაში, არამედ მთლად არეულობის გამოწვევაში ამხილეს. მენი სასჯელს ინგლისში მოიხდის.

და, როგორც ასეთ დროს ხდება, ამჯერადაც გამოჩნდნენ ინგლისელი ფანები, რომელთაც თითო მასპინძელი ქვეყნის პოლიციისკენ გაიშვირეს.

„მე უსამართლოდ მომექცნენ — ამბობს 22 წლის ნიუკასლელი გულშემატკივარი

დეპორტაცია

33 ინგლისელი ფანი პორტუგალიიდან გააძევეს

ჯონ ჯექსონი — საერთოდ, პორტუგალიის პოლიცია უპატიოსნოდ გვექცეოდა. მე ძალით ამაგდეს და მირტყეს. ისინი უდანაშაულო ადამიანებს იჭერდნენ“.

პოლ დონაპიუ, 31 წლის: „აღარაფერი მიხდა. სახლში გამიშვი“.

დონაპიუს თვალი ჰქონდა ჩალურჯებული და ხელი ნაიარევი.

რასაკვირველია, მასობრივი არეულობის დროს ალბათობა იმისა, რომ შესაძლოა ვინმე უდანაშაულოსაც მოხვდეს, საკმაოდ მაღალია და სრულიად შესაძლებელია ზემოხსენებული ორი ქომაგი ჩხუბში მართლა

არ მონაწილეობდა, მაგრამ ფაქტია, რომ აყალიბდა, ის ინგლისელებმა ატეხეს და პორტუგალიის პოლიციამაც ინგლისელებსე მოჰკითხა.

ისე კი, ინგლისის ნაკრების გასახარად უნდა ითქვას, რომ უფა ჯერჯერობით მუქარას არ ასრულებს. მეტიც, ოფიციალურად ითქვა, რომ სამხრეთის ქალაქ ალბუფეირაში მომხდარი ამ ინციდენტის გამო გუნდს არ დასჯიან.

აღსანიშნავია, რომ ალბუფეირა ასი კილომეტრითაა დაშორებული იმ ქალაქებს, სადაც ინგლისის ნაკრებმა ითამაშა. ძალიან

საინტერესოა, რა უნდოდათ იქ ფანებს და რატომ უმტვრევდნენ იქაურ მოსახლეობას მინებს?

ხუთშაბათ საღამოს ათი დეპორტირებული ინგლისელი „ჰითროუს“ აეროპორტში „მშობლიურმა“ პოლიციელებმა გადაიბარეს და მიიყვანეს იქ, სადაც მათი პირველი დაკითხვა სამსაათნახევარს გრძელდებოდა. არ არის გამორიცხული, დაკავებულთაგან რვას პასპორტები ჩამოართვეს.

დანარჩენ დეპორტირებულ ბრიტანელებს ინგლისში დღეს დილით ელოდნენ.

ბააუნა კილია

გაიდვიქით!

ადვოკატმა მიინარა და მუიშარა ჰოლანდიას შეუძახა

ჰოლანდიელთა მწვრთნელი დიკ ადვოკატი დარწმუნებულია, რომ მისი ფეხბურთელები, ცოტა არ იყოს, შეშინებულნი დარბიან. მიზეზი: ევრო 2004-ზე თამაში მეტად სანერვიულო და საპასუხიმგებლოა. შევახსენებთ,

რომ D ჯგუფის პირველ შეხვედრაში ჰოლანდიელებმა გერმანელებს საკმაოდ გვიან გაუთანაბრეს ანგარიში, ისიც უფრო რთულ ვან ნისტელროის ინდივიდუალური ოსტატობის წყალობით

„გერმანელებთან სათამაშოდ ძალიან კარგად ვიყავით მომზადებული, მაგრამ შევიდნენ თუ არა ჩემი ფეხბურთელები მოედანზე, შიში მოერიათ. ბევრმა მათგანმა საქმესა და დავალებას თავი ველარ გაართვა — განაცხადა ადვოკატმა და დასძინა — პირველი ტაიმის განმავლობაში ნაკლოვანებების გამოსწორება ვერ მოხერხდა, შევკენების შემდეგ კი ვეკლავფერი შევკვალეთ და საბოლოოდ მივიღეთ კიდევ დამაკმაყოფილებელი შედეგი“.

ადვოკატის ცვლილებები, ერთი შეხედვით, მართლაც გასაკვირი გახლდათ, თუმცა მიმოხილვები არანაკლებ გააოცა ჰოლანდიელთა სასტარტო შემადგენლობამაც, სადაც ახალგაზრდა ვესლი სნეიდერის მაგივრად ბუდეინ ზენდენი ტრიალებდა.

„ზენდენით იმიტომ დავიწყეთ, რომ თავად გვითხრა, მარცხენა ფრთაზე სათამაშოდ ჩვეულებრივ მზად ვარო, ამასთან მწამს, რომ მარცხენარსი შეცვლაზე უფრო ძლიერია, ვიდრე სასტარტო შემადგენლობაში“ — განმარტა ადვოკატმა, რომლის შეგირდებს მეორე თამაში ჩეხებთან უწევთ.

„ჩემი აზრით, მატჩში ვერც ჩვენ ვითამაშეთ კარგად და ვერც გერმანიამ, პრესამ კი ძალიან გამაკვირვა: გერმანულმა გაზეთებმა დაწერეს, რომ ასე ძლიერად მათ გუნდს ბოლო ორი წლის განმავლობაში არ უთამაშია, ხოლო ჰოლანდიური გაზეთები ამტკიცებდნენ, რომ ჩვენ ვიყავით ძალიან საცოდავები. გერმანელებმა თავიანთი ნაკრები მნიშვნელოვნად შეცვალეს, მათ ხუთი მარჯვენაფეხა ნახევარმცველით და მხოლოდ ერთი თავდამსხმელით ითამაშეს, მაგრამ ეს იმას არ ნიშნავს, რომ მე ერთი დამცველი უნდა მომეკლო. არამც და არამც. ჩემს ფეხბურთელებს დავალება რომ შეესრულებინათ, ჩვენ გავიმარჯვებდით“.

ახლა კი, რაც შეეხება ჩეხეთთან მატჩს. ადვოკატი დარწმუნებულია, რომ ჩეხები ჰოლანდიასაც იმავე ფეხბურთით დახვდებიან, რითაც ლატვიას ეთამაშენ — ერთ-ერთი ფორვარდი იან კოლერი იქნება.

„კოლერი ძლიერი მოწინააღმდეგეა, უპირველეს ყოვლისა კი იმიტომ, რომ ჩემზე მაღალია — აუბა კოლერის შეფასებაში მწვრთნელს მხარი ჰოლანდიის ნაკრებისა და „ლაციოს“ ყოფილმა, აწ „მილანის“ მცველმა იაპ სტამმა — ის იგივე ფეხბურთის ითამაშებს, რაც პირველ შეხვედრაში გერმანელმა კურანი ითამაშა, თუმცა განსხვავებასაც ველო, კოლერი ბურთს კურანიზე უკეთ ფლობს. ეჭვი არ მეპარება, ინიციატივა კვლავ ჩვენს ხელთ იქნება, მაგრამ ჩეხები სახიფათო კონტრშეტევებით მიიქცევენ ყურადღებას. მე თუ მკითხავთ, ფრე ჩინებული შედეგი იქნებოდა, მაგრამ მეორე მხრივ, ფეხბურთი იმისაა, რომ მოედანზე გახვიდე და გამარჯვებისთვის იბრძოლო“.

და ისევე ადვოკატი, რომელიც ყურნალისტების წინაშე თავს თავდაც მხოლოდ ერთი თავდამსხმელით თამაშის გამო იმართლებდა.

„ჩვენ ერთი თავდამსხმელით თამაში პრინციპად ავირჩიეთ, ხოლო ეს თავდამსხმელი რატომ არის ვან



დიკ ადვოკატი და იაპ სტამი

ნისტელროი და არა ვან ჰოიდონკი, მეორე საკითხია, რომელზეც ასე გიპასუხებთ: მე უკეთეს სასტარტო ფეხბურთელად ვან ნისტელროი მირჩევია“ — ბრძანა მწვრთნელმა.

ბოლოს კი ჰოლანდიელთა მეკარის, ედვინ ვან დერ სარის საინტერესო მოსაზრება: „1988 და 2000 წლებში ნამდვილად საჩემპიონო გუნდი გვყავდა, ახლა, ბევრი ძლიერი ფეხბურთელი ვართ, მაგრამ გუნდად ისე აღარ ვვარგევართ“.

ბოლოს კი ჰოლანდიელთა მეკარის, ედვინ ვან დერ სარის საინტერესო მოსაზრება: „1988 და 2000 წლებში ნამდვილად საჩემპიონო გუნდი გვყავდა, ახლა, ბევრი ძლიერი ფეხბურთელი ვართ, მაგრამ გუნდად ისე აღარ ვვარგევართ“.



თბილისი

საქართველო
საფეხბურთო



LINEKERS


განი ლინკერის ტუდხანაში უეინ რუნის გოლებს ზეიმობენ



მას უყვარს ფეხბურთი
და რა გვიყვარს ჩვენ?



ვიქტორიამ ისმინა
ხალხის ვედრება
და ბარდაყები
გამოაჩინა



აბა, ვინ იტყვის
უარს, ასეთ
სასწრაფო
დახმარებაზე?!



ხვატია და გახინდა ხორვატიაში



ფრანგული ჯოცნა



აბა, თქვით ყველნი



რა იყო ინგლისელი, ქუშანაშვილობა მოგინდა?



სმერტინის
ცოლი, ახლა
ქმარს თვალებში
რომ შესცი-
ვინებს, თუ
გახსოვთ,
ჩემპიონატამდე
შიშველი პოზი-
ორლობდა



გადაწყდა! 300 000 ლარი და 300 მდილარი ლარიზის აღზიდვას ვერ იყიდის

პროფლიგის გუშინდელი კონფერენცია ჩამთავრდა ისე, როგორც მოსალოდნელი იყო — თავყრილობამ დაამტკიცა ის პროექტები, რაც პროფლიგამ უმაღლესი ლიგის კლუბებს შესთავაზა. კონფერენციამ დაახლოებით ორ საათს გასტანა, მას პირველ ლიგაში ჩამოქვეითებული „სპარტაკის“ პრეზიდენტი როლანდ ჩხაიძეც ესწრებოდა. კონფერენცია მშვიდად, კონფრონტაციების გარეშე ჩატარდა, რის შემდეგაც პრესკონფერენცია გაიმართა — ჟურნალისტთა შეკითხვებს საქართველოს ფეხბურთის პროფესიული ლიგის პრეზიდენტმა დიმიტრი რამიშვილმა უპასუხა.



— ეს უკვე გადაწყვეტილი საკითხია.
 — არ გამოვიცხავთ, რომ რომელიმე გუნდმა 300 000 ლარი ვერ მოაგროვოს და შესაძლოა, პირველ ლიგაში გუნდების რაოდენობა თექვსმეტიდან თვრამეტამდე გაიზარდოს.
 — ზემოთ ხსენებული კომისია მომდევნო კვირიდან დაიწყებს მუშაობას და ჩემპიონატის დაწყებამდე ორი კვირით ადრე გახდება ცნობილი, თუ ვის ექნება ანგარიშზე 300 000 ლარი და ვინ ითამაშებს უმაღლეს ლიგაში. ამ კომისიაში იქნებიან წარმომადგენლები პროფლიგიდან, ფედერაციიდან, სალიცენზიო კომიტეტიდან, კომისიაში შევლენ ფინანსისტებიც და აგრონომებიც.
 — ნისიაზე უმაღლეს ლიგაში ვერავენ ითამაშებს, ჩემპიონატის დაწყებამდე ორი კვირით ადრე 300 000 ლარიანი გარანტია ყველა უმაღლესლიგელს უნდა ჰქონდეს. ფინანსური გარანტიების შემოწმება ამ კომისიის პრეროგატივაა, საფეხბურთო სამყარო არ უნდა მოტყუვდეს.
 — თუ რომელიმე გუნდი 300 000 ლარს ვერ მოაგროვებს და უმაღლეს ლიგაში მის ნაცვლად რომელიმე შეძლებულ ქვეალიგელს მოუნდება გადმოსვლა, ასეთი რამ თითქმის გამორიცხულია. იმედია, თორმეტივე გუნდი წარმოადგენს ფინანსურ გარანტიას, თუმც არ გამოვიცხავ, რომ ათგუნდიან უმაღლეს ლიგაზე ახლავე გადავიდეთ.
 — რაც შეეხება გუნდების საწევრო გადასახადს, დამდეგ ჩემპიონატში ეს თანხა 30 ათას ლარამდე გაიზარდება, რადგან მატჩების რაოდენობაც მატულობს. პირველ ლიგაში კი სასუზონო საწევრო 15 ათასი ლარი იქნება.
 — ვისაუბრეთ „სიონის“ საკითხზეც. უშუალოდ ფეხბურთის ფედერაციის პრეზიდენტს მივმართეთ თხოვნით, რომ „სიონს“ საშინაო მატჩების შინ გამართვის ათმატჩიანი დისკვალიფიკაცია მოეხსნას. დანარჩენი სანქციები კი ძალაში რჩება — „სიონი“ მეორე კი არა, მეექვსეადგილოსნად ითვლება.

— განვიხილეთ 2004-05 წლების ეროვნული ჩემპიონატის რეგლამენტი და შევაჯამეთ წინა სეზონი. ამის შემდეგ დავსახეთ ჩვენი პრიორიტეტული მიმართულებები. გადაწყდა, რომ ჩემპიონატის სისტემა შეიცვლება — დამდეგი ჩემპიონატი ჩატარდება ოთხ წრედ, გაიმართება 44 ტური. გადაწყდა ისიც, რომ 2005-06 წლების ჩემპიონატის უმაღლეს ლიგაში ათი გუნდი მიიღებს მონაწილეობას.
 — დამდეგ ჩემპიონატში სამი გუნდი გაგარდება უმაღლესი ლიგიდან, ხოლო ბოლოდან მეოთხე გადათამაშებაში მოჰყვება პირველი ლიგის პირველადგილოსანთან. 2004-05

წლების ჩემპიონატის უმაღლესი ლიგა 24 ივლისს დაიწყება.
 — ჩამოყალიბდა კომისია, რომელიც იმუშავებს სალიცენზიო კომიტეტთან. ეს კომისია იმუშავებს იმ მიმართულებით, რაც აუცილებელი იქნება უმაღლესი ლიგის გუნდებისთვის დამდეგ სეზონში — ფინანსური გარანტია და ხარისხიანი მინდვრები.
 — 2004-05 წლების ჩემპიონატში უმაღლესი ლიგის გუნდს ანგარიშზე მინიმუმ 300 000 ლარი უნდა ჰქონდეს, წინააღმდეგ შემთხვევაში, ის უმაღლეს ლიგაში ვერ ითამაშებს

კონფერენციის შემდეგ ფედერაციის შენობიდან გამოსულ კლუბების ხელმძღვანელებს უკმაყოფილებას ვერ შეატყობდით. კაცმა რომ თქვას, მოულოდნელი და სენსაციური ხომ არაფერი მომხდარა და, ჩანს, ყველანი წინასწარ იყვნენ შეგუებულნი მოვლენების ასეთ განვითარებას.



დაიბედაბული სიონი ქულებს აღარ დაეძებს ახლა მთავარი ფულია

ვფიქრობთ, კონფერენციის მთავარი გმირები ქვემოქართლური კლუბები „რუსთავი“ და ბოლნისის „სიონი“ არიან. პირველი უმაღლეს ლიგაში კი გადავიდა, მაგრამ პროფლიგის უმთავრესი მოთხოვნის, 300 ათას ლარიანი გარანტიის წარდგენა უჭირს. მეორე კი „ოქროს მატჩში“ მომხდარი სისულელეების გამო მკაცრად დაისაჯა და ყოფნა-არყოფნის ზღვარზე იყო.
 ჩვენც ნაკონფერენციევს ამ კლუბების წარმომადგენლებს — „რუსთავის“ პრეზიდენტ ლაშა მინდელს და „სიონის“ ტექნიკურ დირექტორ პეტრე დანელიას ვაქვს საუბრე...
ლაშა მინდელი: ჯერჯერობით ბოლომდე არაფერია გარკვეული. „რუსთავი“ უმაღლეს ლიგაში გადავიდა და დიდი სურვილი მაქვს, იქ ვითამაშოთ. სამწუხაროდ, ფინანსურად გვიჭირს, მაგრამ რაღაც


იმედები მაინც გვაქვს. მოლაპარაკებებს ვაწარმოებთ რამდენიმე ფირმასთან, მათ შორის „აზოტთან“ და თუ მათგან დადებითი პასუხი მივიღებთ, ამას რა აჯობებს. რაც უფრო მეტი ფინანსები გვექნება, მით უფრო მაღალი მიზნისთვის ვიბრძობებით. რა ვიცი, ამ მოლაპარაკებების იმედად ვარ და თუ ყველამ უარი გვითხრა, მაშინ დავიხურავთ ქულს და წავალთ სახლში. სხვა გზა მოჭრილი გვაქვს. უმაღლესი ლიგის ადგილის გაყიდვაზე კი ლაპარაკი არც ყოფილა.
პეტრე დანელია: ჩვენთვის სასიხარულო ისაა, რომ სტადიონის ათამაშიანი დისკვალიფიკაცია მოგვიხსნეს. ვფიქრობ, ასეც უნდა მომხდარიყო. გასაგებია, რომ „ვიტ ჯორჯიასთან“ მატჩში ცუდი რამეები მოხდა, მაგრამ ჩვენი სტადიონი აქ არაფერ შუაში იყო.
 — დისკვალიფიკაციის მოხსნის

საკითხი თქვენ დააყენეთ?
 — არა, პროფლიგის პრეზიდენტმა დიმიტრი რამიშვილმა თავად წამოაყენა ასეთი წინადადება. ძალიან მიხარია, რომ სიმართლე მაინც არ დაიკარგა.
 — ესე იგი, „სიონი“ არ დაიშლება...
 — არა, უკვე თამამად შეიძლება ამის თქმა. „სიონი“ მომავალ ჩემპიონატში აუცილებლად ითამაშებს.
 — „მადნეული“ კვლავ გისპონსორებთ?
 — იმედი მაქვს, ასე იქნება. ამ დღეებში ბევრი რამ გაირკვევა. „მადნეულს“ საბოლოო უარი არ უთქვამს ჩვენთვის. ენახოთ, როგორ მოვილაპარაკებთ.
 — „სიონიდან“ თითქმის ყველა ფეხბურთელი რომ წავიდა, რას აპირებთ?
 — დღეს ისინი სხვა კლუბებში ვარჯიშობენ, მაგრამ ერთი-ორი გა-

მონაკლისის გარდა არავინ გავიშვია. ამ საკითხს დღეიდან მივხედავთ.
 — მათი დაბრუნების იმედი გაქვთ?
 — თუ მოითხოვენ განთავისუფლების ფურცლებს, მიცემთ, მაგრამ კიდევ ბევრი ნიუანსია გასათვალისწინებელი და ახლა ამ კითხვაზე საპასუხოდ მზად არ ვარ.
 — დისკვალიფიკაცია თქვენს სამ ფეხბურთელსაც ხომ არ მოუხსნეს?
 — არა, მაგრამ იმედი მაქვს, ამ სასჯელსაც შევიშლავთ. იმის გამო, რომ ვილაურმა მსაჯის მიმართით ბურთი დაარტყა, ათამაშიანი დისკვალიფიკაცია ზედმეტად მკაცრი სასჯელია.
 — თემურ მაზარაძეს „სიონთან“ კიდევ აკავშირებს რამე?
 — სადღეისოდ მაზარაძე „სიონიდან“ წასული არ არის, თუმცა არც ისაა გამორიცხული, რომ მან დაგვტოვოს. ეს ამბავი ჯერჯერობით გაურკვეველია.
 — პროფლიგისთვის 300 ათასი ლარის გარანტიის წარდგენა შეგიძლიათ?
 — ამაზე 5-6 დღეში გიპასუხებთ. ჯერ ჩვენს სპონსორებს

უნდა მოველაპარაკოთ.
 — ბორის გონჩაროვის „დინამოში“ გადასვლა საბოლოოდ გადაწყდა?
 — სადაც უნდა წავიდეს, ღმერთმა ხელი მოუშარტოს. გონჩაროვი „სიონში“ ჩამოყალიბდა ფეხბურთელად და ჩვენგან მოხვდა საქართველოს ნაკრებში. მისი წარმატებები ყოველთვის გავიხარდება.
 — მეორე ეტაპზე დაგროვილი ქულების გაუქმება ძალაში დარჩა?
 — დიახ, ამ საკითხზე არც გვილაპარაკია.
 — ესე იგი, მეექვსე ადგილზე დარჩით და ვერცხლის შედეგებს უკან დააბრუნებთ?
 — არ ვიცი, ყოველ შემთხვევაში, ჩვენთვის არავის უთქვამს, მედლები მოიტანეთო. არა მგონია, ასე მოხდეს. ისე, მინდა, ერთი საინტერესო დეტალი გაგიმხილოთ: ჩვენს ქულები თუ გავკვირებ, გამოდის, რომ „დინამო“ და „ვიტ ჯორჯია“ აგროვებენ თანაბარ, 38-38 ქულას. ანუ დამატებით „ოქროს მატჩი“ საჭირო... რაღაც გაუგებარ სიტუაციაში ვხვდებით.

ლაპარაკობს და აშენებს უშუალოდ...



დინამო და ანჩა მოჩივ!

თბილისის „დინამო“ გიორგი ანჩაძემ დატოვა. ეს ამბავი გუშინ, „თბილისი“ — „დინამოს“ ამხანაგურ მატჩამდე გადაწყდა და, ბუნებრივია, დინამოელთა აწ უკვე ყოფილ ლიდერს თბილისელებთან აღარ უთამაშია.

გუშინვე შევიტყეთ, რომ გიორგი ანჩაძემ კარიერის გაგრძელებას კვიპროსზე ეშურება. ჩვენთან ნახევარმცველის სამსახურით კვიპროსის ორი გუნდია დაინტერესებული. ანჩაძემ საქმე ასარჩევად აქვს და რომელ კლუბს ამჯობინებს, მომავალ კვირაში გაირკვევა.

იქამდე კი შეგახსენებთ, რომ გიორგი ანჩაძეს უცხოეთში უკვე უთამაშია: „დინამოში“ ხელმოწერა დაბრუნებამდე, 1998-99 წლების სეზონში ანჩაძემ ისრაელში ჯერ აშქელონის, შემდეგ კი ქვარსავას „ჰაპოელის“ ფეხბურთელი იყო.

დავით მარაძე

თბილისის „დინამო“ განახლების გზას დაადგა. კლუბი რამდენიმე ნაბიჯს და გამოცდილ ფეხბურთელს შეელია. ყველაფერი კი მთავარი მწვრთნელის ივანე შუშაიას გათავისუფლებით დაიწყო. დრო საკმაო გავიდა, მაგრამ გულშემატკივრებს ჯერაც არ დავიწყებიათ ხორვატი და მისი როხროხა შეძახილი. ამ გავანია ევროპის ჩემპიონატზე ხორვატიის ნაკრების წარმატებულმა თამაშმა შუშაკთან შეხმიანების კიდევ ერთი საბაბი მოგვცა, თუმცა ლაპარაკი მაინც „დინამოთი“ დავიწყეთ

— მაისის ბოლოს თბილისში გელოდით, რატომ გადაიფიქრეთ ჩამოსვლა?

— სწორედ მაშინ, როდესაც თბილისში უნდა ჩამოვსულიყავი, „დინამოში“ „ვიტ ჯორჯიასთან“ წააგო, ამიტომაც გადავდე, არ მინდოდა, ვინმეს პროვოკატორად ჩავეთვალე, აი, „დინამოში“ წააგო და გამოჩნდაო.

— ესე იგი, თბილისში კიდევ დიდხანს ვერ გინდოდა?

— არა, რატომ?! აგვისტოში ან სექტემბერში ისეთ დროს ჩამოვალ, როდესაც „დინამოს“ ან საქართველოს ნაკრებს საერთაშორისო მატჩი ექნება.

— არაერთხელ ვითქვამთ, საქართველოს იოლად ვერ დავივიწყებო...

— მერე ვინ თქვა, რომ დავივიწყებ?! ამ ორი დღის წინ მე და



დრაჟენ ბრაიკოვიჩი ერთად ვიყავით და ის გაკვირვებული მიყურებდა, იმდენად ნოსტალგიურად ვლაპარაკობდი საქართველოზე, თბილისზე, ქართველებზე, „დინამოზე“. ის ორწლიანი დანახევარი, რაც თბილისში გავატარე, არასოდეს დამავიწყდება, პირიქით, ყველა მენატრებით, ჟურნალისტებთან დაწყებული, ფეხბურთელებით დამთავრებული. ასე შინაურულად თავი არსად მიგრძენია. მე თბილისში სიამოვნებით დაბრუნდებოდი და ვიმუშავებდი.

— თქვენით რუსული პრემიერლიგის გუნდები იყვნენ დაინტერესებული. რაიმე სიახლე ზომ არაა?

— თბილისში ჩამოსვლის შემდეგ, აგვისტოს ბოლოს, მე და ჩემი მეწველი მოსკოვში გამგზავრებას ვაპირებთ. ჯერ მხოლოდ ამის თქმა შემიძლია — რუსეთში მართლაც აინტერესებთ ივო შუშაკი. თუმცა ესეც „დინამოს“ დამსახურებაა.

— მანამდე დაისვენებთ?

— დიახ, ასეა. ახლა ვამთავრებ ორსართულიანი ვილის მშენებლობას აღრიატიკის ზღვის უღამაზეს კურორტ ცირკენიცაში. ორ-სამ კვირას ზღვაზე გავატარებ. ჩემი შვილი და სიძე ევროპის ჩემპიონ

ტრანსფორმაციული ტრანსფერ-ამბაპი

გუშინ პროფლიგის კონფერენციაზე რამდენიმე მნიშვნელოვანი საკითხი გადაწყდა. გუშინვე გაირკვა კიდევ ერთი საყურადღებო რამ — ტრანსფერების საკითხი.

ფეხბურთელთა შიდა ტრანსფერების ბოლო ვადა 24 ივლისია, ჩემპიონატის დაწყების დღე. ხოლო თუ ჩვენი უმაღლესლიგელები უცხოეთიდან მოიწვევენ ფეხბურთელს, ასეთი ტრანსფერის ბოლო ვადა 31 აგვისტოა.

შეგახსენებთ, რომ თბილისის „დინამოს“ „ვიტ ჯორჯიასთან“ გიორგი ადამიას და ლაშა ნოზაძის გადაბირება სურს. ამ ფეხბურთელებს „ვიტ ჯორჯიასთან“ 1 აგვისტოს უმთავრდებათ კონტრაქტი და „დინამოს“ მათი როგორც თავისუფალი აგენტების გადაბირება სურდა, ახლა კი საამისოდ სატრანსფერო თანხის გადახდა უწევს. ერთი სიტყვით, სატრანსფერო ვადები „დინამოსთვის“ ერთობ არახელსაყრელი გამოდგა.

დავით თავართქილაძე

ალამია-ნოზაძე უფულოდ აღარ გამოვა



გიორგი ადამია

სულ ახლახან იყო, ბოლნისის „სიონიდან“ წასულმა დავით ჭიჭვეიშვილმა თბილისის „დინამოს“ რომ მიაკითხა. დინამოელებმა მისი საქმეში ნახვა გადაწყვიტეს და ბაქოს „ნეფთჩისთან“ ამხანაგურ მატჩშიც ათამაშეს, თუმცა მერე ჭიჭვეიშვილი დიდძალ ბაზაზე არავის უნახავს

ჭიჭვეიშვილი დინამომ დააბა

ძალის თავი ბათუმში იპოვეს. „ბათუმის“ პრეზიდენტმა რევაზ ჩელეძემ ექსპონირებული თავისთან მიიწვია და, როგორც გუშინწინ გვითხრა, საქმეც თითქმის გაჩარხა — ჭიჭვეიშვილს ზღვისპირულ კლუბში უნდა ეთამაშა. კონტრაქტიც დღე-დღეზე უნდა გაფორმებულიყო, მაგრამ... ნურას უკაცრავადო, „დინამომ“ ისევ გაშალა ხელები და ბათუმელებს ჭიჭვეიშვილი ცხვირწინ ააცალა. გუშინ მან „თბი-



დავით ჩიჭვეიშვილი

ლისთან“ ამხანაგურ მატჩში ისევ მოირგო „დინამოს“ მაისურა. თბილისელთა თქმით, ჭიჭვეიშვილთან საბოლოო შეთანხმება მიღწეულია და ფეხბურთელი გუნდს გერმანულ შეკრებაზეც გაჰყვება. დეტექტიური სიუჟეტი თითქმის დასრულებულია. თითქმის იმიტომ, რომ ქართული კლუბების გადამკიდევ გადაჭრით ვეღარც ვამბობთ, ეს ტრანსფერი ნაღდად შედგაო.

დავით მარაძე



საქართველოს ქალ ფრენბურთელთა ნაკრებმა ევროპის ჩემპიონატის საკვალიფიკაციო ეტაპზე მესამე მატჩი გამართა და, სამწუხაროდ, კვლავ დამარცხდა, თუმცა ეს თამაში ნაკრების არსებობის მანძილზეც მესამე იყო და ამ ფონზე ჩვენს გოგონებს ურიგო შთაბეჭდილება ნაღდად არ დაუტოვებიათ

სლოვენია სამი მოგებით ხელდამშვენებული გვეწვია. აქედან, ორ მატჩში ჯგუფის ფავორიტებმა მოლდოვას და შვედეთს სძლიეს, სწორედ იმ ნაკრებებს, რომლებთანაც ჩვენები დამარცხდნენ. გასაკვირიც არაა, რომ მატჩის წინ თავიანთ გამარჯვებაში დარწმუნებული სტუმრები მშვენიერ ხასიათზე იყვნენ და ნერვიულობის არაფერი ეტყობოდათ.

პირველი ორი ქულა სლოვენამ მართლაც ადვილად აიღო, მაგრამ ჩვენებმა მალე გაათანაბრეს და კარგა ხანს ფეხდაფეხ მიჰყვებოდნენ მეტოქეს. მერე სტუმრებმა მაინც მოახერხეს და 6 ქულით გაიჭრნენ წინ. ანგარიში 6-12 იყო, ჩვენებმა მცირე რიცხვითი მანქანების ყოყინის ფონზე საგრძნობლად რომ მოუმატეს და დროის მცირე მონაკვეთში სხვაობა ერთ ქულამდე შეამცირეს. 12:13 ანგარიშზე სლოვენიელთა დამრიგებელი ცოტათი ანერვიულდა და ტაიმაუტიც მოითხოვა. ვერ გეტყვით, რა უთხრა თავის შვიკორებს, მაგრამ ფაქტია, რომ მატჩის განახლების შემდეგ სტუმრებს ინიციატივა ხელიდან აღარ გაუშვიათ და სეტიც დამაჯერებლად მოიგეს — 18:25.

მომდევნო ორი სეტიც ბევრით ჰგავდა პირველს. ჩვენები თავიდან კარგად იბრძოდნენ, მეტოქეს ქულა-ქულაში ეთამაშებოდნენ, ბოლოსკენ კი სლოვენიელები უმატებდნენ და შანსს აღარ გვიტოვებდნენ.

0:3 გაგართლდა, მოლოდინი ვერა



მარია ცარენკო ქართველებისთვის უტევს

მეორე სეტი 20:25 დავით, ბოლო კი 19:25.

საქართველოს ნაკრებში თუკი ვინმე იყო გამოსარჩევი, ეს ალბათ ზემფირა ბუდაგოვა გახლდათ, რომელმაც მთელი მატჩი ბრწყინვალედ ჩაატარა. ძალიან კარგად ითამაშა

ირა ნახიანმაც. აი, მარია ცარენკო კი გამთამაშებლის როლს ნამდვილად ცუდად გაართვა თავი, თუმცა აქ ერთიცაა აღსანიშნავი: ცარენკომ ნაკრების შემადგენლობაში პირველი მატჩი ჩაატარა, თანაც რუსეთის ჩემპიონატი, რომელშიც ის ასპარეზობს, ჯერ

არ დაწყებულა და მარიაც ალბათ ფორმაში არაა.

ნაკრების მთავარი ასისტენტი დედისაყიეს ალბათ ბადესთან თამაში დაბლოკს დაყენებაა. აქ ჩვენი გოგონები ყველაზე მეტად ცდებოდნენ. სხვა მხრივაც იყო პრობლემები, მაგრამ ყველაზე თვალში საცემი მაინც ეს გახლდათ. მოთამაშეთა სიმადლეს რაც შეეხება, სხვებს ამაშიც ჩამოუვარდებიან ჩვენი გოგონები, მაგრამ ეს ისეთი რამაა, რასაც მწვრთნელი ვერ გამოასწორებს.

მიუხედავად იმისა, რომ ნაკრებმა მოლოდინსთან და შვედეთთან კარგად ითამაშა, ამ მატჩში მაინც სლოვენიელთა იოლ და უპირობო გამარჯვებას ველოდით. დაახლოებით ისეთი განცდა იყო, ლუქსემბურგის საფეხბურთო გულშემატკივარს რომ ექნება გერმანიასთან მატჩის წინ... მაგრამ ჩვენმა გოგონებმა ბრძოლის უინი და საკმაოდ ნორმალური თამაში აჩვენეს.

აქვე ერთიც უნდა ითქვას — თუმცა სპორტის სასახლეში დასწრება უფასო იყო, მაყურებელი თამაშს მაინც აკლდა. ალბათ იმიტომაც, რომ ქალაქში ვერსად შენიშნავდით რაიმე აფიშის მაგვარს, რომელიც თბილისელებს მატჩის შესახებ აუწყებდა. არადა, გოგონებს ძალიან სჭირდებოდათ მაყურებლის შეძახილი. აშკარად ჩანდა, რომ როგორც კი ქომაგი ოდნავ ახმაურდებოდა და ტამის შემოკვრას არ დაიზარებდა, ჩვენები შესამჩნევად უმატებდნენ და სლოვენიელებს ანერვიულებდნენ. ვინ იცის, სპორტის სასახლე რომ სავე ყოფილიყო... სპორტში ხომ ხშირად ხდება სასწაულები.

წინ ხორვატიასთან მატჩია. ესეც შესანიშნავი გუნდია, რომელთანაც ძალიან ძნელი იქნება ჭიდილი და კარგი იქნება, თუ მაყურებელი ჩვენს სპორტსმენებს გვერდში ამოუდგება. ხომ გახსოვთ, დასწრება უფასოა.

ლადო ფულუჩიძე

მესამე და საგართალი ფაფითაფაფით, მორჩა. ახლა ნაღდად ვითაფაფით

სამხრეთაფრიკელი „ბლუ ბულზი“ ხვალ ერთ-ერთ სტადიონზე ერთხელაც გვაჩვენებს ნაღდად რაგბის „ხარებს“ ამჯერად ჩვენი ეროვნული გუნდი შეერკინება და ალბათ საკლები და „ა“ ნაკრებებზე ყოჩაღდაც დაუდგება. სტუმრებს რომ რუსთაფული შემადგენლობა დაეტოვებინათ, ეგებ მოგვევო კიდევ, მაგრამ ბოლო ამხანაგურისთვის ისინიც სერიზულად ემზადებიან. ამას ჰაკი მაიერის მიერ დასახელებული თხუთმეტეულიც ამტკიცებს.

„ბლუ ბულზი“ ბორჯღალოსნებთან გაჯიბრებას საბრძოლო შემადგენლობით აპირებს. გუმინ დილით გამართულ თეორიულ ვარჯიშზე მწვრთნელებმა „ხარებს“ ურჩიეს, კვირას მეტი ყურადღებით ითამაშონ, აქაოდა, ძალზედ სერიოზული ოთხმოცი წუთი გველისო.

პრეტორიელთაგან განსხვავებით, საქართველოს ნაკრები საკმაოდ შესუსტებულია. ტრავმების, სავიზო თუ საკლებო პრობლემების

გამო არარეტი გამოცდილი მოთამაშე გვაქვია. შვიდი ლეგიონერიდან სამს მსოფლიოს თასის შემდეგ ნაკრების ფორმა არ მოუგია. აქსენტი და ირაკლი გიორგაძეებსა და ოთარ ელოშვილს ჭვიშვილ-ჩაველიშვილის გუნდში დებიუტი აქვთ. საკვირაოდ მოვარჯიშეთა შორის სამი ნამდვილი დებიუტანტიცაა. უნივერსიტეტული აკაკი სანაძე და ლელოელი ბექა სარდანაშვილი შერკინებას გააძლიერებენ, ხოლო 19 წლის „ყოჩი“ დავით კაჭარავა სავარაუდოდ თერთმეტ ნომერზე დადგება.

როგორც ქართველთა, ისე აფრიკელთა მწვრთნელებმა უკვე დაასახელეს სავარაუდო შემადგენლობები, თუმცა ჩვენი ნაკრების რიგებში შეიძლება ერთი ცვლილება მოხდეს. დღეს საფრანგეთიდან დავით ხინჩაიშვილი ჩამოდის, რომელიც ალბათ მცხეთაში მოვარჯიშე „ბორჯღალოსნებს“ შეუერთდება.

ოთარ მალაგაძე



გადიანი კაბილიანის ფოტო

ამხანაგური მატჩი


20 ივნისი. „ეროვნული“. 18 საათი

საქართველო VS ბლუ ბულზი


| | | |
|---------------------|----|-------------------------|
| ოთარ ბარკალაია | 15 | იოჰან რუთსი |
| ბესიკ ხამაშურიძე | 14 | რიან ფან დერ ბერგი |
| ლაშა ფირფილაშვილი | 13 | ჯეიპი ნილი |
| ირაკლი გიორგაძე | 12 | ეტიენ ბოთა |
| დავით კაჭარავა | 11 | ფრიკი ველში |
| ბობა კვინიხიძე | 10 | ლუის სტრიდომი |
| ბიძინა სამხარაძე | 9 | ნორმან ჯორდაანი |
| ბესიკ უდესიანი | 8 | ანტონ ლეონარდი (კაპ) |
| ზვიად მაისურაძე | 7 | პიტ კრაუზე |
| დავით ბოლლაშვილი | 6 | რუან ფერმიულიენი |
| მამუკა გორგოძე | 5 | ფრანსუა ფან სხოვენბურგი |
| ილო ზედგინიძე (კაპ) | 4 | დენი როსოუ |
| სანდრო ესაკია | 3 | რიჩარდ ბანდსი |
| აქსენტი გიორგაძე | 2 | გარი ბოთა |
| გიორგი კუთარაშვილი | 1 | ვესელ რუ |

სათადარიგოები

| | | |
|--------------------|----|---------------------|
| ნიკო ჭავჭავაძე | 16 | კობუს ფან დერ ვალტი |
| აკაკი სანაძე | 17 | ანდრეს ჰუმანი- |
| ლევან დათუნაშვილი | 18 | ბიან ფერმააკი |
| ბექა სარდანაშვილი | 19 | კარელ ჰოფმანი |
| მერაბ კვირიკაშვილი | 20 | სკოტ მათი |
| ოთარ ელოშვილი | 21 | მორნე სტეინი |
| ნონო ანდლულაძე | 22 | დილან დეს ფონტიენი |
| დავით გასვიანი | 23 | |



REUTERS დეტროიტიდან




სარეპორტაჟო

ენბიურ ფინალში „ლოს ანჯელეს ლეიფორდის“ მძლეველი „დეტროიტ პისტონს“ იმ დღეს საჩემპიონო აფლანკებით მოაუწყვეს. ერთ ფოტოზე თქვენ გუნდის მწვრთნელ ლარი ბრაუნს ხედავთ, ვის უკანაც პრეზიდენტი ტომ უილსონიც მოსწავს. მეორეგან თავისი აფროთაჯავრული ფარცხნილობით განთქმული ბენ ვოლესი საჩემპიონო ჯილდოზე რაღაც ყვავისბუდისებურ პარიკს ამაგრებს, აქეთ კი აილუმზე მოჯარული ხალხის წარმომადგენლებს — ახუნტრუცებულ ვოგოშეებსა და წესრიგის დამცველ პოლიცდეიდებს ხედავთ. „პისტონსი“ ასოციაციის ჩემპიონი 1989-90 წლის შემდეგ აღარ გამხდარიყო.



REUTERS დეტროიტიდან



REUTERS ქაიროდან

ბარირაღდნება

ოლიმპიური ჩირაღდანის გარსაქვეყნო მოგზაურობას განაგრძობს. აზიის მერე მან აფრიკისკენ გადაინაცვლა და განთქმულ მაროკოელ მორბენალ საიდ თუედასთან ერთად ოლიმპიზმის ისტორიაში პირველად ჩაურბინა გიზის პირამიდებს. შემდეგ ცუცხელი ასევე ისტორიაში პირველად ეწვია სამხრეთ ამერიკას და ყოფილ ბრაზილიელ ოლიმპოსან ჟოაკიმ კრუსს მისი რით დე ჟანეირუს თავზე აღმართვის პატივი ხვდა წილადა. ნასამხრეთევეს ჩირაღდანმა ჩრდილოეთს მიამურა და შეერთებულ შტატებში მოგზაურობა ლოს ანჯელესიდან დაიწყო — იქაურ „დოჯერ სთედიუმზე“ ის მორბეულმა ჰოლივუდელმა ტომ კრუსმა გააქცუნა. უახლოეს დღეებში ჩირაღდანს სენტლუისელები, ატლანტელები და ნიუიორელებიც იხილავენ.



REUTERS რიო დე ჟანეიროდან



REUTERS ლოს ანჯელესიდან

სარბიელი
საორტული გაზეთი
გამოცემა 1990 წლის
28 დეკემბრიდან
გამოდის ორშაბათს,
სამშაბათს, ოთხშაბათს,
ხუთშაბათს,
პარასკევს და შაბათს

გამომცემელი ზურაბ ჯორჯაძე
დირექტორი ვიქტორი ოქროშვილი
რედაქტორი თამაზ მიხრაიანი
რედაქტორის მოადგილე სოსო კოტორეიშვილი
ტექნიკური რედაქტორი მამუკა გუბაიაძე
ქართული ფეხბურთის რედაქცია: დავით ერასე, დავით თავართქილაძე, კობა ინასარიძე, პაატა კვანტალიანი, კახა შალამბერიძე
უცხოური ფეხბურთის რედაქცია: გიო ახვლედიანი, ილია ბაბუნაშვილი, გიორგი დარჯანია, გიორგი ვაშაქიძე, ლადო ხომერიკი, ვაჟა ხუციშვილი

ინფორმაციის რედაქციის რედაქტორი: ირაკლი ჯორჯაძე
ინფორმაციის რედაქცია: ვია ახალაძე, ავთანდილ გურასაშვილი, ლევან კელაუაძე, ოთარ მაღლაკელიძე, ირაკლი პერტაია
ფოტორეპორტორები: გურამ დოღუაშვილი, ბადრი კეთილაძე
სტილისტები: ნათელა გიორგობიანი, ლალი გოზალიშვილი
კომპიუტერული ცენტრი: ლია ბესელია, ხათუნა ბუხუნიშვილი, ელენე გელუტაშვილი, რუსუდან ერისთავი, ფატი დვალისხელი, მაკა დოგრაშვილი, დავით კვაჭანტირაძე, თენგიზ ფოფხაძე, თამარ ქინქლაძე, ზურაბ წერეთელი, მირიან ხანიშვილი

რედაქციის მისამართი:
თბილისი, ალექსანდრე
ყაზბეგის გამზირი 42, 11
კორპუსი, IV სართული.
საფოსტო მისამართი:
თბილისი — 79, საფოსტო
ყუთი 208. ტელეფონი: 39 48 29
ელექტრონული ფოსტა
sarbliel@gol.ge
ელექტრონული ვერსია
<http://www.sarbliel.com.ge>